



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: T09 0 KT 0188432 23
Sarajevo, 19.02.2024. godine

HITNO- PRITVOR

OPĆINSKI SUD U SARAJEVU
Sudiji za prethodno saslušanje
SARAJEVO

Na osnovu člana 45. stav 2. tačke i) i člana 241. stav 1. ZKP FBiH, **p o d i ž e m:**

OPTUŽNICU

Protiv:

ĆATIĆ JASMIN, zvani „Bomba“, rođen 1976. godine, nastanjen u ulici, po zanimanju trgovac, završena SSS, oženjen, otac dvoje djece od čega je jedno maloljetno, po izjavi lošeg imovnog stanja, državljanin BiH, po narodnosti Bošnjak, JMB:, **osuđivan**, i to: Vrhovni sud BiH broj: K-69/24 pravosnažna dana 10.06.1996. godine, krivično djelo iz člana 36/1. KZ R BiH, kazna zatvora u trajanju od tri godine; Vrhovni sud F BiH broj: K47/96 pravosnažna dana 03.01.1997. godine, krivično djelo iz člana 150. KZ R BiH, kazna zatvora u trajanju od tri godine; Kantonalni sud Sarajevo broj: 009-0-K-06-000035 pravosnažna dana 19.06.2006. godine krivično djelo iz člana 238. stav 2. u vezi stava 1. KZ F BiH, kazna zatvora u trajanju od jedne godine i dva mjeseca; Općinski sud Sarajevo broj: K-270/03-B pravosnažna dana 13.11.2006. godine krivično djelo iz člana 304. stav 3. u vezi stava 1. KZ F BiH, kazna zatvora u trajanju od tri mjeseca i na osnovu člana 68. KZ F BiH oduzima se jedan pištolj Cal. 7,62 mm, Fab. Broja: i pet komada metaka Cal. 7,62 mm; Općinski sud Travnik broj: 51 0 K 012520 08 K pravosnažna dana 14.11.2008. godine krivično djelo iz člana 328. stav 1 u vezi člana 323. stav 1. u vezi člana 28. i 31. KZ F BiH, kazna zatvora u trajanju od jedne godine i dva mjeseca; Općinski sud Sarajevo broj: 65 0 K 275790 12 K pravosnažna dana 18.06.2013. godine krivično djelo iz člana 210. stav 1. KZ F BiH, kazna zatvora u trajanju od jedne godine i jedan mjesec; Općinski sud Sarajevo broj: 65 0 K 315816 13 K pravosnažna dana 24.09.2013. godine krivično djelo iz člana 359. stav 2. kazna zatvora u trajanju od osam mjeseci uvjetno dvije godine; Općinski sud Sarajevo broj: 65 0 K 235448 12 K pravosnažna dana 17.04.2014. godine krivično djelo iz člana 362. stav 2. u vezi stava 1. KZ F BiH u vezi člana 31. KZ F BiH, kazna zatvora u trajanju od jedne godine, **nalazi se u pritvoru po rješenju Općinskog suda u Sarajevu od 26.11.2023.godine, koji je produžen rješenjem Općinskog suda u Sarajevu od 22.12.2023. godine i koji pritvor može trajati do 22.02.2024. godine ili do druge odluke suda.**

Što je:

Dana 19.09.2023. godine, oko 11,37 sati, u Sarajevu u ulici Bravadžiluk, općina Stari grad Sarajevo, u bašti ugostiteljskog objekta nargila bar „.....“, u kojem je u tom momentu bio okupljen veći broj ljudi, svjestan da pucanjem iz vatrenog oružja može izazvati opasnost za život većeg broja ljudi, što je i htio, prišao sa leđa M.H., koji je sjedio u bašti navedenog objekta, a potom iz torbice izvadio vatreno oružje-pištolj, nepoznate marke i isto usmjerio prema M.H., te nakon što mu je M.H. rekao da ostavi pištolj i da se pobiju, istom se obratio

riječima „Ti ćeš dobiti svoje“, nakon čega je ispalio najmanje dva hica u pravcu nogu M.H., na koji način je izazvao opasnost za život ljudi koji su se nalazili u bašti ugostiteljskog objekta nargila bar „.....“, kojom prilikom je M.H. zadobio lake tjelesne povrede u vidu dvije rane u predjelu desne potkoljenice i dvije rane u predjelu desne zakoljene jame,

Dakle, pucanjem iz vatrenog oružja izazvao opasnost za život ljudi na mjestu gdje je okupljen veći broj ljudi,

Čime je počinio krivično djelo Izazivanje opće opasnosti iz člana 323. stav 3. u vezi stava 1. KZ BiH

PRIJEDLOG ZA PRODUŽENJE PRITVORA

Predlažem da se prema osumnjičenom Ćatić Jasminu u smislu odredbe člana 151. stav 1. i člana 242. stav 3. ZKP FBiH, nakon potvrđivanja optužnice produži pritvor, obzirom da još uvijek stoje razlozi iz kojih je pritvor i određen, odnosno iz osnova člana 146. stav 1. tačka c) ZKP FBiH.

KANTONALNI TUŽILAC